

四庫全書

子部

欽定四庫全書

古今源流至論別集卷十 宋黃履翁撰

方鎮

論方鎮叛服之由

藩鎮之為唐患也尚矣其根萌於武德十道之置使其勢成於至德九節度之分封其禍見於乾元平盧主帥之自立此廢置叛服之由也方太宗平定之後既分天

下為十道

地里志太宗因山川形便分天下為十道一曰關內二曰河南三曰河東四曰河北五曰

山南六曰隴右七曰淮南八曰江南九曰劔南十曰嶺南而於軍鎮城戍之兵為十

二道而置使處之總之以都督者

同上武德初始置軍府以驃騎車騎兩將

軍府領之分天下為十二道云云

此其為方鎮已成之兆特待時而張

耳且河北隴右此皆極邊之地天下之府六百餘所而在河北者不過三十在隴右者不過二十九而又皆隸於衛將軍矣此何足以係廢興大致觀其總軍而置使河北一道則析而為二曰平盧曰范陽隴右一道則析而為四曰隴右曰安西曰北庭曰河西而其曰軍曰守捉曰城曰鎮焉者大者二十餘小者亦不下十餘以天

下之極邊為天下之重鎮而撫之以都督其品略與十六衛將軍同乃在尚書之上而其左右僕射為一流所謂五大不在邊者果若是乎漁陽鞞鼓掃境而來亦其勢之必至者此府衛之法壞而方鎮之根形矣嗚呼易封建而為郡縣論者知其無叛國文改刺史而置州牧識者料其郡牧之爭政靈帝紀中平五年改刺史新置牧後董卓袁紹爭起太宗何不鑑其覆轍耶故曰其根萌於武德十道之置使者是也方肅宗即位之初安史父子相挺為禍尚賴諸鎮

勤王之師共起誅戮而九節度之號立焉大難既平蓬
李軒豁是時也正當申朝廷之紀綱明節鎮之形分君
臣幸安苟且歲月河北瓜分方鎮碁布大者連州十餘
小者毋慮三四成肱髀難削之形效輔車相依之勢使
人視之若羗戎然此節度之名立而方鎮之勢成矣唐
志肅宗起靈武而諸鎮之兵共起討賊其後安史父子
繼起中國大敝肅宗命李光弼等討之號九節度久之
大盜既成而武夫戰卒以功起行陣列為侯王皆除節度使由是方鎮相望於內地嗚呼割梁以
封越所以啓叛者之九起舉吳以予漢而變狀不待異

日見之漢傳肅宗乃不思及此耶故曰其勢成於至德九

節度之分封者是也乾元初侯希逸帥平盧軍士實為
之此一機也尤強弱安危之分也夫天子所恃以鼓舞
天下者以爵祿廢置在上不在下焉耳命將帥統藩維
事之最大者而遣一介之使徇行伍之情此而可為夫
孰有不可為哉士卒得以陵偏裨偏裨得以陵將帥則
將帥之慢朝廷自然之勢也此自立之弊生而唱亂之
禍起矣嗚呼賞罰不出於天子而春秋諸侯得以抗衡

守相不置於漢庭而七國侯王得以僭上又何不是之

思耶故曰其禍見於乾元平盧之自立者是也

乾元元年平盧

節度使王元志薨上遣中使往撫慰將士且就察軍中所欲立者授以旌節高麗人李懷玉為裨將殺元志子

擁侯希逸為平盧軍副節度使由軍士廢立自此始自是以來苟安之念生姑息

之政成且承嗣一點虜耳重斂虐民亦何能為而代宗

惟恐少拂其意自置官吏弗之問也私入賦稅弗之詰

也兼宰相則就加平章增以鴈門之封重以天雄之號

州為督府子尚公主其寵之不已過乎頓亦一點虜耳

黷貨淫刑果何能為而德宗惟恐少拂其意愛惡予奪
惟意是徇既奏元洪流端州矣而復請輕之改為長史
既奏薛正倫貶峽州矣而復自悔之留為判官其縱之
不已過乎諸州相視徃徃以匹夫而要朝廷以卒伍而
抗天子由代德姑息之過也大抵茅蘘之未萌則片言
折之而有餘間隙之已開則干戈取之而不足可不深
慮而早計乎並本傳至憲宗之削平諸藩方有太阿出匣
之狀然軍士有犯上之罪以天子之命殛之何所不可

而乃紿之以賞實之以刑繼自今以往誰敢以信必待

朝廷者

通鑑元和十四年沂海交密觀察使王遂最酷後卒王弁斬之自稱留後八月朝廷乃除弁開

州刺史遣中使紿之曰開州已有迎候道路留後宜速發弁當日發近州六月腰斬東市武宗之宣

慰河北方有江漢朝宗之意然郭誼就降縱不舉賞流

之遠方可也而乃戮之以刑繼自今以往誰敢以信義

望朝廷者

昭義節度使劉從謙卒其子稹不發喪請為留後李德裕曰澤路事體與河朔三鎮不同

若遣重臣往諭王元逵何弘敬兩鎮聽命則稹成擒矣上喜決意討稹遣李回宣慰河北三鎮無不奉詔後郭誼斬稹歸朝上曰郭誼如何處之德裕曰劉稹駸孺子耳阻兵拒命皆誼為之謀主及勢孤力屈又賣稹以求

賞宜併誼等誅之遂斬之温公曰董重質之在淮西郭誼之在昭義吳元濟劉稹如木偶人在彼兒之手耳彼二人者始則勸人為亂終則賣主規利其死固之餘罪然憲宗用之於前武宗誅之於後臣以為皆失之何則賞姦非義也殺降非信也失義與信何以為國如大抵誼等免死流之遠方沒齒不還可矣殺之非也

韓信之叛心不生於假王之時而生於雲夢之偽遊竇

融之內附不畏漢兵之強而畏河西之璽書惟義可以起人之敬畏惟信可以使人之悅服失義與信何以立國此藩鎮與唐三百年相為終始也五代紛紛其敝尤甚噫有由也上聖龍興群雄鼠伏惟正月乙巳以詔諭

諸鎮越翼日戊午又別以詔賜諸鎮王言如綸其出如

綉誰敢有異心者

長編建隆元年正月甲辰太祖即位乙巳遣中使乘傳齎詔諭諸節度使

戊午又別以詔賜馬

鎮安之韓令坤自北還聽命鎮寧之慕容延

釗自真定聽命

同上先是鎮安節度韓令坤鎮兵巡北邊太祖征契丹鎮寧節度慕容延釗帥

前軍至真定上既受禪遣使諭延釗令坤各以便宜從事兩人皆聽命

彥卿之在天雄則

表請而名稱

天雄節度魏王符彥卿表請呼名詔不允

王景之在雄武則治

裝而入朝

長編二年雄武節度王景每朝廷遣使雖卑位亦送迎自是來朝

建雄之廷

璋驛詔朝馳單車夕至矣

通畧十月建州軍節度王廷璋會詔赴闕即日單車就道

成德之郭崇朝發信使夕無違命矣

元年初成德節度郭崇朝上受禪遣

使偵之崇朝使至即命吏郊迎已而崇請入朝

袁彥之兗率以潘美諭之而至

自保義承信之涉嫌以魏丕直之而安於護國

同上元年保義

節度袁彥性兇率聞禪代日夜繕甲兵使潘美監其軍美單騎入城諭令朝覲彥遂治裝上道大喜曰潘美不殺袁彥成我志耳忠正節度使承信為護國節度承信至河中或言其謀反上遣魏丕賜承信生辰禮物因察之還言承信無反狀一旦以息兵為問趙公普以方鎮承信因是獲沒于家

太重對片言之發適當帝心聚天下之精兵收天下之財穀皆入京師隱然有虎豹在山之勢而又支郡長吏

得自奏事而長吏得以舉其權鎮將職屬悉委之縣而縣官得以行其職轉運既以扼其私別乘又以制其專強藩巨鎮皆顛倒於掌股之上吾觀開寶之二年守劇鎮者各罷而歸環衛杯酒易置如制嬰兒自非規模宏遠何以至是嗚呼我藝祖一舉而去數百年之患仁矣哉

吏胥

論漢唐吏胥得失

文中子曰古者士登乎仕吏執乎役吏初登仕非古也

其秦之餘酷乎

文中

然蘇老泉又論漢有天下平津侯

樂安侯輩皆號為儒宗而卒不能為漢立不世大功而

其卓絕俊偉震耀四海者迺其賢人出於胥吏中者耳

老泉

文 是何王氏深加排擯而老蘇若是喜談耶愚嘗究

其由矣蓋六王未畢之初而人才出於諸侯之客秦削

封建之後而人才隱於郡縣之吏漢興以來科目未興

徃徃有由郡縣吏至二千石將相者射策為掌故迺為

廷尉視蓄之官

兒寬傳

甲科為官迺為抱關擊柝之吏何

馬趙廣漢河間之郡吏也尹翁歸河東之獄吏也張敞

太史之卒史王尊涿郡之書佐也鮑宣縣之鄉嗇夫丙

吉魯之獄吏也

並本傳

是皆雄俊明博外可以將而內可

以相者此老泉稱其俊傑卓絕能立大功是也自朱博

以吏才陵轢掾史而諸生始有為吏之恥

本傳

自世祖以

名節厲世俗於是有不肯為令史所居之郎沿歷隋唐

以吏為辱而明俊竒異者大抵進身於科目之間所謂

執役為吏者特姦猾亡恥之流耳間有積勞登仕廁迹

朝著而播紳亦羞之不曰名器不可假也則曰流品所

當別也故唐之周興自尚書吏而遷秋官侍郎酷吏傳周興世

習法律遷秋官侍郎屢決刑獄鍾紹京本胥吏而後為中書令本牛仙

容由縣小吏至大丞相仙容初為縣小吏李明甫稱其才後以工部尚書同知門下事

若此曹者小而習律令長而習獄訟奸謀詭計甚為清

流之玷夫唐以書史縣胥之流而得居卿相之地其視

漢之趙尹張王之先後履歷亦同此意也然漢不以為

嫌而唐以為怪者蓋漢所用皆奇士而唐所進皆俗輩

此王通所以深嘆後世吏任之非古也雖然漢代人才多出吏胥而超越後代者又不無所本也蓋武帝世公孫宏奏請俾廣行卒吏太守卒吏皆通一藝自是以來

公卿大夫士吏彬彬多文學之士

儒林傳

夫公孫宏一言

於孝武之時而人才鼎盛於宣元之世然則漢代人才多自吏胥者皆從事於文學禮義之中非若後世區區之法律獄訟之習所能及耳國朝之所謂吏者固不如漢之有材亦不至如唐之輕任故堂後之官參用士人

懲其弊也

太祖命堂後官參以士人用之

二司之胥必汰老疾澄其源

也

景祐中詔棟汰三司吏之老疾者三司後行朱正等聚眾誼譁詣於丞相行第投瓦肆言

魯宗道

之判銓悉書科條揭於廡下防吏奸也

仁宗初判銓魯宗道知吏奸狀

悉書科條揭於廡下人便之

杜祁公之典曹悉自予奪俾無升堂草

吏欺也

景祐二年杜衍判銓先是長吏多為奸敕更取銓法問曰盡乎曰盡矣乃閱得其本未明日曉

諸吏無得升堂各坐曹名行文書吏不能為奸

夫我朝之防閑禁制使之不得

肆其情者蓋生長於法律之中出入於簿書之間前比

後例任意據援甲令乙科隨手高下非明足以燭其姦

力足以抑其強鮮有不貽其害也然又論之第書紙尾一聽吏手固非善於處吏者而典法自守不肯徇私亦未可輕絕也昔寇萊公議擢指揮使吏以例簿進公曰

用一衙官尚須檢例安用我輩此固不肯徇吏之請

章

嘗謂兩府擇一人為馬步指揮使吏以例簿進公叱曰朝廷用一衙官尚須檢例安用我輩哉

王安石

欲書除許將太常博士吏以手約筆具陳祖宗舊制當遷右正言安石不得任私即從其請是堂吏能執祖宗之法又安可遽棄之

官制熙寧三年許將以磨勘當遷宰相王安石方欲抑三人進取遂

特與太常博士初下筆方成大字堂後官以手約筆具
陳祖宗舊制當遷右正言安石乃改大字就作右字因
知前革堂吏猶噫孰謂我朝之吏果不能及漢之足法
哉

田制

論歷代田制異同

井田之成於周乎曰畫於黃帝而大備於周也井田之
壞於秦乎曰廢於戰國而極變於秦也蓋井田之議維
持甚周繼悉畢備其成非一日其壞亦非一日也方其
田制之始創也經土設井立步制畝

通典黃帝始經土設井以塞爭端立

步制畝以防不足使八家為井井道四通而分八宅鑿井為井其成豈一日耶至周公

因上世帝王之規立一代太平之制自五家為比積而

為鄉

周禮大司徒

自五家為鄰積而為遂

禮遂人

相友於烹葵

剥棗之業自得於衣帛食肉之樂此所以大備於周及

其田制之始變也貢助莫聞其詳

孟子

井地姑舉大略上

其壞亦豈一日耶至商鞅乘經界不正之餘為阡陌決

裂之制富則跨邑貧亡立錐遂遂於爭奪之場汲汲於

兼并之利此所以大壞於秦自秦變周之後其田制又

不知其幾變曰代田曰限田曰均田曰永業之制曰司
均之官曰口分世業之法自今觀之代田之制起於趙
過一畝三畦歲代其處善田者令學養苗之狀亡牛者
教以人耕之法命卒於官而教民於邊郡此代田之制

漢武行之也

漢食貨志武帝未備征伐之事下詔曰方今之務在力農以趙過為搜粟都尉過能

為代田一畝三畦歲代處故曰代田古法也使教田太常三老大農置工巧好與從事為作田器二千石遣令長三老力田及里老善田者受田器學耕種養田狀是後邊城河東大農三老太常民皆使代田用力少而得粟限田之議出於石苞謂王公以國為家宜不復有田

宅今可限之自國王公侯以至於丁男丁女皆有降差

此限田之制晉武行之也

通

均田之法男子四十畝婦

人二十畝戶絕者以為公田刺史十五頃縣令以上六

頃其田則更代相付此李安仁之議而行於後魏孝文

之時也

通典後魏孝文太和元年三月詔曰一夫制田四十畝中田二十畝無令人有餘力地有遺利

時李安仁上疏曰今雖桑井難復宜更均量審其經制令公藝有準力業相為細人獲資生之利豪右靡餘地

之盈又所爭之田宜限年斷事久實明帝深納之均田之制起於此矣

永業之制男子十

五皆有田畝婦人十五皆有營業又令男子十八而受

田六十而免役此北齊孝成之制而行之於河清之時

也

通典北齊武皇帝河清二年詔令男子十八受田輸租條二十充兵六十免役力六十六退田免租調京

師四面諸方之外二十里內為公田受公田者三縣改遷戶役事官一品以上逮于羽林武賁各有差其外畿郡縣人官第一品以下羽林武賁以上各有差職業及百姓請墾田者各為永業田後周伯政之

初置司均之官掌田里之丁者止百畝是之謂司均

通典

後周文帝伯政之初創置大官司均掌田里之政令凡人口十以上宅五畝口七以上宅四畝口五以下宅三十畝有室者田百四十畝無者百畝歷貞觀之始度田以步畝百為頃男

年十八以上受田一頃八十畝為口分二十畝為世業

貧無以葬得鬻世業自狹鄉徙寬鄉者併鬻口分已鬻

者不復受夫是之謂口分世業

唐食貨志制度田以步其闊一步其長二百四

十步為一畝百畝為頃度田之制丁男年十八以上者人一頃其八十畝為口分二十畝為永業老及篤疾廢疾者人四十畝寡妻妾一十畝當戶者增二十畝皆以二十畝為永業其餘為口分凡庶人徙鄉及貧無以葬者得賣世業田自狹鄉而徙寬鄉者得并賣口分田已賣者不復授死者收之以授無田者凡收授皆以歲十月授田先貧永徵中買賣世業口分田其後 豪富兼併貧者失業於是詔賣者還地罰之 愚觀歷代所立之制封疆非不正也貧富非不等也然往往奪富與貧民不相安改舊從新孰或不便者多矣且以漢唐

論之漢得天下之初民亡名數逃保山澤是時土曠人
稀可以行古人授田居民之制其理甚適其事甚順世
儒皆有是言也不知其勢有不得行者蓋古者萬夫之
地三十二里有半而其間為川為路者一為澮為道者
九為洫為塗者百為溝為畛者千為遂為徑者萬此數
者非塞溪壁平澗谷夷邱陵壞廬舍徙城邑不可為也
縱使能盡得平曠之地行之亦當驅天下之人竭天下
之糧窮數百年專力於此而後可望天下之地盡為井

田盡為溝洫已而又為屋廬於其中以安其居而後可
豈不迂哉此漢初雖有可為之機而無可為之地也愚
之所惜者仲舒限民名田之說不行於時至使紅陽侯

占墾草田至數百頃

漢孫寶傳帝舅紅陽侯立使客因南郡太守李尚占墾草田數百頃

立王立也師古曰占隱度而取之也草田荆田也占之贍切

張禹買田皆極膏腴

本傳

禹為人內殖貨財家以田為業及富貴多買田至四百頃皆涇渭灌溉極膏腴上賈賈讀曰價

匡衡為

丞相多取縣田以為封邑

本傳

哀帝私寵宦官之田多至

二千頃

哀帝紀

而貧富始相遠矣方太宗平天下之後為

口分為世業每年十月里正造簿縣令應給脫戶者有
禁言之則可聽書之則可觀世儒皆以為善也

唐食貨志不

知其勢亦有不可行者蓋三代之世天子所以自治者
甚狹而其所以治之者甚親而甚專王城之外二百里
為鄉遂鄉遂之外為都鄙則已付之都鄙之長都鄙之
外為邦國則五等諸侯分治之而天子所自治者鄉遂
之民耳數之生耗皆可以歲比田之升降皆可以家數
今唐為授田之制盡使合古而其衆寡生耗進退之數

不能不責成於官吏鄉升之縣縣升之州州升之朝不能不取信於簿籍而內外官吏更易之不常遠近之相隔新故之相襲豈無隱欺之患哉古人行之於二百里之間唐人欲行之於萬里之遠其弊也皆以空文上之

豈不惑哉

唐食貨志歲終其民之年與地之間狹為鄉帳鄉成於縣縣成於州州成於戶部又有計

帳具來歲課此唐初雖有能為之力而無能為之術也

愚之所甚恨者太宗貞觀末年伐遼之舉正田制既定

之日以田二十頃賜征遼之功

元仁基

是太宗初年已自

敗其制况口分世業之法不合於古乎至使公主田園

或徧畿甸

太平公主

宦官名田畿半京畿睿宗於劉幽求賜

之田千畝

本傳睿宗立年幽求侍中下詔曰國家之復幽求是賴宜加賜實封千畝云云

武宗

於鄭光賜之鄆雲陽二縣良田本傳而兼并抑又甚矣噫

漢唐之盛一處於勢而不可為一沉於法而不善為况

魏晉紛紛之時耶然則不用井田之制而享井田之利

者其惟國朝乎建隆初嘗行均田之法均田之大名不

實者有罰括田於鄭州殘暴者有貶

政要建隆初命常參官徃諸道均田

大名府館陶縣民郭贊詣闕訴括田不均詔令他縣官
審視所隱頃畝皆實太祖怒奉縣令程迪決杖徒流海
島括田使給事中寇鄭削兩任免又度支判官刑部員
外郎崔遜坐括田於鄭州殘暴苛急所按失實為民所
訴貶伊是時也百姓無不均之患官吏無或隱之欺而
陽令

田制定矣紹興初又嘗行經界之法群議紛紛令下之

初吾民便於法成之後是時也版圖無不草之弊稅役

無不均之法而田制又定矣

紹興年間嘗行經界之法
令下之初羣議紛然法成

之後民咸便之詭名挾佃皆無所逃其奸茲誠萬世之
利也然所在州縣有可行者有不可行者此為未均焉
滿軒筆錄今日畫田之制固不可行而浙右經界獨不可廣

推乎井田之制固不可曉而荆襄間田獨不可誘耕乎
老蘇田制之論賴濱民政之說正愚有望於今日者敢
以此為獻

水利

古者不與
水爭利

論古今水利之制莫善於周莫不善於漢夫水利之在
天下猶人之血氣然一息之不通則四體非復吾有大
而江河川澤微而溝洫畎澮其小大雖不同而其疏通
導達不可使一日之壅闕則一成周之盡力於溝洫

西漢之用功於河渠不貪小利以害大謀不急近功以遺遠害田畝有灌溉之益川澤無壅塞之憂此周禮述溝洫遷史書河渠之利歟且成周匠人之職方井之廣四尺者謂之溝十里之成廣八尺者謂之洫百里之同廣二尋者謂之澮夫自四尺之溝積而至於二尋之澮一同之間其指膏腴之地以為溝洫之制者凡幾畝也禮冬官匠人為溝洫九夫為井井間廣四尺深四尺謂之溝方十里為成成間廣八尺深八尺謂之洫方百里為同同間廣二尋深二僅謂之澮小司徒之經土地而井牧其田野說

者論田稅之所出則百井之地出田稅者六十有四而三十六井則治洫也萬井之地出田稅者四千九十有六井而三千有奇則治溝與澮也夫自一成之地積而至於一同萬夫之衆其捐賦稅之入以治溝洫之利者凡幾人也地官小司徒注成周之君豈不愛膏腴之地賦斂之入而棄以為無用之溝洫哉誠以所棄者小而所利者大所捐於公上者不能毫髮而所以福斯民而澤天下者無窮已也自經界不明而先王溝洫之治漫無可考

以九河之地猶失其八支而莫得其迹

東坡辨九河云以漢許商之言

考之徒駭最北高津最南蓋徒駭是河之今道東出分為八齊小白塞之為今河間弓高以東至平原禹津往往有其遺處蓋其八支併歸徒駭也則細而溝洫之屬可知矣天下所謂

有才之士始出而以私智經營雖其利澤不博未及古久徧利天下之意不猶愈於後世與水爭地貪尺寸之利而遺無窮之害哉自春秋戰國浚其源西漢導其流而河渠之水利詳矣孫叔敖起芍陂楚受其惠文翁穿腴口蜀以富饒

史記

鑿漳水於魏者鄴旁有稻梁之詠

魏襄

王時史起為鄴今日魏氏行田以百畝鄴獨二百畝是田惡也漳水在其旁西門豹為鄴令不知用於是引漳水灌田鄴以富民歌之曰鄴有賢令兮為史公決漳水兮灌鄴旁終古瀉滴兮生稻梁導涇水於

秦者谷口有禾黍之謠

班固西都賦又前溝洫志自秦用鄭國鑿涇水為渠號鄭國渠

至武帝中大夫白公復奏穿引涇水一起谷口以灌池陽名曰白渠民歌之曰鄭國在前白公在後云云且灌我禾黍此見於春秋戰國之時也自漢以來講明尤備

內而京師外而列郡又遠而邊地源流派分原隰碁布

歷歷可見

漢武帝時嚴熊言臨晉民欲穿洛以溉重泉於是發萬人穿渠穿得龍骨故曰龍首泉渠

兒寬穿六輔渠於左內史之制

武帝元鼎間兒寬為左內史奏請穿六輔渠

白公引涇水於池陽之區上見決渠降雨荷甬成雲衣食

京師億萬之口豈非京師之利乎西都賦其他渠縣泰山

則引汶東海則引鉅定海南九江則引淮朔方西河酒

泉諸郡則皆引河及川谷以溉田溝洫志用事者爭言水利朔方西河河西

酒泉皆引河及山谷以溉田而關中靈救成國障渠引諸川汝南九江引淮東海引鉅定泰山不引汶水皆穿

渠溉田各萬餘頃他小渠及陂山通道者不可勝言也陂山通道在在相望豈非

諸郡之利乎輪臺以東有渠溉田五千頃桑弘羊奏故輪臺以東陂

渠蒸皆故國地廣饒水草有溉田五千頃以上溫和田美可益通溝渠種五穀而鮮水左右亦

有橋七十所

趙充國屯田奏云願留邊二千人屯要害處繕鄉亭浚溝渠治陸陘以西道橋七十

所令鮮水左右

是雖極邊之地水道源流無不加意又豈非邊

地之利乎西漢之君不計地利之廣狹不論費役之多

寡不一勞者不永逸不暫費者不永寧此漢人得享漑

灌之利也然周漢之所以得水利者治之者非一官領

之者非一人得以盡心於溝洫河渠之間是故周官營

溝行水之制則職之匠人俾任浚導之功也

匠人為溝洫凡溝必

因水勢防必因地勢

止水蓄水之令則領之稻人俾專儲蓄之利

也地官稻人以儲蓄水以防止水以溝澮水以遂均水以蕩舍水以澮瀉水夫惟浚之於其

始積之於其終又安有旱澇之患哉漢之京師則少府

總禁池之事其屬則有池監百官表少府掌山海陂澤之稅其屬有上林卜池監

有都水長丞有都水見上水衡掌林苑之事其屬則有水司空

百官表水衡都尉前百官表奉常注如淳曰都水司空長丞屬馬有都司水治渠隄水門又按太常少

府水衡皆有都水長丞三輔以行京師之職太常以領巴陵之渠

並百官表郡國則九江有陂湖官南海則有淮浦官南郡江

夏則有雲臺官夫惟既任於其內又分於其外又安有

壅闕之憂哉

地里志九江郡有陂官湖官南海郡
中有淮浦官南郡江夏郡有雲夢官國朝

惠養元元留心水利三司則有都水監

本朝官制都水
監屬三司負無

常職興
後則差

諸路則有提舉

淳熙七年臣僚乞委提舉常
平築陂塘脩堰門澮水為備州

有倅貳邑有丞佐

淳熙七年又臣僚劄子乞委諸路常
平司籍定所隸郡縣公私陂塘川澤

之教專責縣丞因民暇日勸率疏道聖旨依令
專一督責縣丞於農隙日浚治疏導廣行儲蓄而又郡

有守邑有令皆得以行其浚導儲蓄之利故修蕭何之

故堰則若許景山而廢壞之地復蒙大利

真宗朝知興
元府許景山

嘗脩漢蕭何所為故堰頽其屬曰鄴侯方佐天下乃暇
為此以灌農田今吾豈憚一時之勞而廢萬世之利於

是因其壞

壩大脩之正鄭公在前白公起後之意也

見修召信臣

之舊渠則若趙尚寬而荒瘠之場變為沃壤

仁宗朝有唐州太守

趙尚寬者修復召信臣渠與境內陂堰向為荒瘠之地變為沃壤三司使包拯上其事上嘉其能命留再任且有雄擢

正前有召父後有杜母之遺也

後漢杜詩復脩召信臣南陽渠

人歌之曰前有召父後有杜母

築海堤以衛田而民享其利則如范文

正

范仲淹監西溪倉建白於朝請築海堤於通泰海州之境長數百里以衛民田以文正為興化令專掌役

事發通泰海四州民夫治之既成民享其利興化以范為姓

興水利有功而治累得

聲則如劉彞


安定胡先生有治事齋如治兵水利之類嘗言劉彞善治水後累為政皆興水利

得人如是則其利可勝既耶今日聞有論水利之事矣而不蒙其利聞有任水利之官矣而不行其勞夫湖陂陂澤水之所潴而河渠畎遂水之所泄豪民墾之以獲豐殖之資官司仰之以享租輸之入及其日增歲衍而水利之故地皆為創置之良田曩之仰其水利以耕者今不勝旱溢之害是固不可以悉舉也姑以越之鑑湖言之自漢永和中始開其廣三百餘里而灌溉之利及於民者為田八千餘頃及熙寧中盜耕其中者九百頃

至近歲又甚矣至取其田以歸之公上此未害也而不知所剩者僅數百畝而利之所入復未必盡歸之官所害者凡數千頃而駸駸不已則越三郡將受其弊矣儻今日公上不利絲毫之賦守令不恤豪右之民毋惑於紛紛之議毋付於悠悠之事則何患乎利不興害不除而使周漢專其利哉雖然水利固當舉也亦非易輕舉也才不辨者不足任心不盡者不足任苟且順從者不足任上糜帑庫下奪農田隄防一開水失故道則有指

鄰國以為壑說禹貢而行河者益以滋其繆耳不然閑
送蒼溪入太湖東坡何託此以諷熙寧興水利者哉東坡

詩議王安
石興水利



古今源流至論別集卷十